

1975-ime kalâtdlit julemærkiat

agdlagtok: Poul Madsen

nugterissok: Jakob Janussen

kalâtdlit julemærkiat sujugdlek sujorna sarkúmersínekartok tunínekardluakaok. arkit 30.000-ngordlugit nakitat sapâtip akúnerata atautsip ingerdlanerane nungúnekarput tugdlílo 30.000-taok nungupatdlánekardlutigtaok.

sokutigingningnerujugssûp kalâtdlit julemærkiánik sarkúmersitsissut nukigdlalârtingajavigpai.

iluagtitsínek 1975-ime âmârsínáusanerdlutigo? erkumîtsuliortup Jens Rosingip 1974-ime julemærkiliamigut kussanartúkut angussagssiâ angumasínáusanerdlutigo? arkit kavsímitauva komitep nakitsítariakásavai?

februarime 1975-ime kalâtdlit tusa-gagssiorfîsigut komitep kalâtdlit erkumîtsuliortut kínuvigai 1975-ime atugagssamik sujúnersûsiorkuvdlugit.

nagsitserêrsimavfigssak aprilip 15-iat 1975 nagdlermat sujúnersûtít 22 tákúsimáput táukunángalo ardlagdlit erkumîtsuliatut issigalugit torratdlataokalutik sanavdluagaokalutigdlo.

1975-ime julemærke erkumîtsuliortumit kalâtdlimit Lauritz Jessenimit titartagavok. titartarsimavai kalâliarkat mardluk jûtdlip uvdloriâta tungânut


issigissut. sarkúmersíniagke torratdlavigdlugo tungujortumik, augpalugtumik sungârtumik, kernertumik kûltimigdlo kalipausersorsimavâ. erkumîtsuliatut issigalugo sanariausialo erkarsautigalugo julemærkimut sujugdlermut nagdlersûtdluínartûvok; naitsumik okautigalugo: tássa kalâtdlit julemærkiviat. erkumîtsuliortup kalâtdlit jûtdlimut túngatitavísa ilât erkordluarsimavâ.

julemærkemut Lauritz Jessenip kalâtdlisut kavdlunâttudlo uko okausertaliúsísimavai: „jûtdliarkap uvdlavane mêrkat nangmingnek sanâmingnik naneruarfilerdlutik jûtdlime pivdluarkussiartortarput.“

Lauritz Jessen Manitsûp erkâne Napassume ínúngortûvok tássanilo agdliartordlune. 1932-me aussákut nukagpiarauvok perkigsox angúne Andreas Jessen maligdlugo piniartúngornigssaminik takordlôrtartok.

augustuse káumataugâ poliomic náparpok káumatitdlo mardluk perulokalune. jûtdlilersok ná páune kângeramiuk nukigdlârdluínarsimavok.

nauk akerdlûssardlûnît tigúmisínáungi-ngajagkaluardlugo suíkutarînardlugo



1933-me titartaissalerpok. Lauritz Jessenip tusartarsimavâ nunakarfingmingne niuvertorusiusimassok Gerth Lyberth (kissungmut kigartuitdlámagssuak) kalipaissartorôk, kalipaititdlugule nangminnek takusimángilâ.

kalipaissup taigdiortuvdlo Pavia Petersenip nukagpiarkap náparsimassup sokutigissai tusarsimavai tikerârsimavdlugulo. tauva okalokatigîgput. Lauritz

Jessen pitsaunerussunik kalipautitârpok sujúnorsornekardlunilo. Gitz-Johansenip ilisarisimassamigut tusarsimavâ Grønlands styrelselo kalipainermut atortunik nagsitsisísimavdlugo; Lauritzivdlo kingorna puigúngisainik Gitz-Johansenip sujúnorsorpâ: europamiut suliait periaúsilo íssuarktarkunagit nangminerdle píngortíniagkaminik isúmaminik pilersitsiartuârkuvdlugo.

kalipainek ilíkárpá poliolo anigordlugo.

ukiut ingerdlaneráne Lauritz Jessenip erkumítsuliortutut sangmissane amerdliartortísimavai: úliamik imilersagkanigdlo kalipainek, aumalissamit ákerdlússaliamik agdlauserdlune titartainek, krítiusanik kalipainek, kigutínik, uvkusigssanik kissungnigdlo kiperuinek kísalo Kalátdlit-nunáne erkáissutigssat ássiliartagssáinik kángugsangmik augpalugtumik suliat.

Lauritz Jessen Kalátdlit-nunáne Danmarkimilo suliáminik ardlaleriardlune takutitsissarsimavok. 1959-ip kingornagutdle Danmarkimut nunagssísimavok pulaortinilo ássigíngmik ilagsiortardlugit, najugará: Torpedammen 100, 2550 Hvidovre.

1975-ime julemærke arkit 80.000-ngordlugit nakínekarpok (ássersútigalugo tainekarsínauvok sujorna arkit 60.000 nakínekarmata). komitep neriútigá julemærkip sujorna tuninekardluarnera mingnerúngitsumigdlo nunanit avdlanit sokutiginekarnerujugssua ukiormánátaok ámárumârtok.

1974-ime julemærkip tuninekarnerane sivnekartôrutit ilait 242.000 korûnit inúsugtut kalátdlit nunamingnítut Danmarkimítutdlo kulturíkut súngivfingmí-kutdlo sulíssúnekarneránut tapiutitut avguáunekarsimáput. tapilíssutit okar-

tugssat soriarfigisínáungisáinut aningaussalíssutausimáput. tapiutit angnermik tigusissut katerssorígaínut ilássutautíníarnekartarsimáput. ingminut ikiulernigssak julemærkekomitep malerkígsárníartarpá aningaussalívfígíssagssat aulajangívfígíniarnekartarângata.

táuko saníatígut 200.000 korûnit „kalátdlit julemærkiata aningaussautekarfia“-nut autdlarniutitut ilínekarput. pílerssárutauvok ukiut tamaisa 200.000 korûnit aningaussautekarfingmut písínekartásassut aningaussautekarfik inuíait kalátdlit inúsugtortamingnut sulíniarneránut, s. ass. tímerssorníkut hójskolígssamut, ikíorsékatausínauniásangmat.

julemærke Kalátdlit-nunáne agdlagkerivingne tamane Grønlands postvæsenívdlo Københavníme Ålborgimilo agdlagfíne arkit ilívítsúkârdlugit tuníniagauvok.

mærke atausek 20 ørekarpok, tássa arke atausek korûnit kulít. arkit piniagkat kavsiússusiat nalunaigínariardlugo akígssât checkíngordlugo, gírokôrtítldlugo, anvísningíngordlugulúnít Grønlands postvæsens frímærkesalg, postboks 100, Strandgade, 1004 København K -mut nagsiutdlugo piniarnekar sínáuput.

ámátaok mærke Odenseíme, Århúsíme, Ålborgíme, Herníngíme, Holstebromé, Esbjergíme Københavnímilo kalátdlit igdluine písiarinekarsínauvok.